

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Komisija za izbor
SARAJEVO

Datum objavljivanja:
04.10.2021. godine

Na osnovu člana 57. stav (1) i stav (3) tačka a) Zakona o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20), člana 7. stav (2), člana 15. stav (1) tačka a) i člana 23. stav (2) i (4), a u vezi sa članom 10. stav (1) tačka d) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21), nakon što je Policijski odbor Vlade Kantona Sarajevo odlučio o svim podnesenim žalbama, Komisija za izbor objavljuje

O B A V J E Š T E N J E

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu POLICAJAC"- 200 izvršilaca, objavljenom dana 31.05.2021. godine, ispunili uslove za pristupanje testiranju, da će se Test opšteg znanja kandidata provoditi u periodu od 13.10.2021. godine do 02.11.2021. godine u prostorijama MUP-a Kantona Sarajevo - Jedinice za specijalističku podršku, na adresi Nahorevska bb, u vremenu i po grupama kandidata prema rasporedu prikazanom u tabeli koja čini prilog ovog obavještenja.

Kandidati su dužni doći pola sata prije utvrđenog termina za testiranje, radi identifikacije.

Test opšteg znanja obuhvatać će pitanja sa liste pitanja koja je za tekuću godinu utvrdio policijski komesar, a koja su objavljena 07.01.2021. godine na web stranici Ministarstva.

Vrijeme trajanja testa opšteg znanja iznosi 90 (devedeset) minuta.

Na testu opšteg znanja, kandidat može ostvariti maksimalno 50 bodova. Eliminacioni prag za test opšteg znanja je 60% od maksimalnog broja bodova koji se mogu ostvariti na ovoj vrsti testiranja - ukupno 30 bodova ostvarenih na testu opšteg znanja. Eliminacioni prag predstavlja onaj broj bodova koji je dovoljan za uspjeh kandidata na testu i sticanje prava za pristupanje narednom testu (testu fizičke sposobnosti).

Kandidati koji ne zadovolje eliminacioni prag koji je utvrđen za test opšteg znanja, isključuju se iz daljeg procesa odabira i gube pravo da pristupe narednom testu.

Komisija će prije početka testiranja izvršiti provjeru prisustva kandidata i utvrditi identitet kandidata, te s tim u vezi isti su dužni sa sobom imati ličnu kartu ili drugi važeći identifikacioni dokument sa fotografijom, na osnovu kojeg se može utvrditi identitet u skladu sa zakonom.

Prije početka provođenja testa opšteg znanja, kandidatima koji su dokumentaciju uputili preporučenom poštom, uručit će se potvrda o dodijeljenoj šifri.

Testiranje kandidata vršit će se elektronski, putem desktop računara. Kandidatima će prilikom pristupanja testiranju biti uručeni podaci o korisničkom imenu i lozinki pomoću kojih će pristupati računarskom programu, te će im biti date detaljne upute koje se odnose na korištenje računarskog programa.

Kandidati prilikom pristupanja zakazanom testiranju ne smiju koristiti bilo kakva druga sredstva (mobitel i slično), kao ni materijale, niti kod sebe mogu posjedovati bilo kakvu literaturu, propise i druge akte koji se mogu dovesti u vezu sa testiranjem, te su dužni pridržavati se pravila koja im na licu mjesta saopšti Komisija.

Komisija isključuje iz daljnjeg postupka kandidata koji se ne pridržava uputa o redu i pravila koje odredi Komisija prilikom testiranja, i koji svojim ponašanjem ometa postupak testiranja ili koji se prilikom testiranja koristi nedozvoljenim sredstvima, odnosno prepisuje ili zatraži odgovore od drugog kandidata, ili koji učini dostupnim odgovore drugom kandidatu.

Kandidati koji pristupe testiranju imaju pravo da po okončanju testiranja svih kandidata izvrše uvid neposredno kod Komisije, o čemu će biti upoznati naknadno putem oglasne ploče i web stranice Ministarstva.

Kandidati koji ne pristupe testu opšteg znanja, smatra se da su odustali od dalje konkursne procedure.

Nepristupanje ili kašnjenje kandidata iz bilo kojeg razloga zakazanom terminu održavanja testa opšteg znanja smatra se kao odustanak kandidata od podnesene prijave na javni konkurs.

Komisija će, po okončanju testa opšteg znanja, na oglasnoj ploči i internet stranici Ministarstva objaviti rezultate postignute na testu opšteg znanja.

Kandidati su dužni pridržavati se važećih epidemioloških mjera, te za vrijeme testiranja moraju imati zaštitnu masku.

KOMISIJA ZA IZBOR